

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
GRAD SARAJEVO  
OPĆINA NOVI GRAD SARAJEVO  
OPĆINSKI NAČELNIK

Broj: 02/12-23-25228/18  
Sarajevo, 25.01.2019.godine

Na temelju člana 24. stav (1) tačka a) i 70. Zakona o javnim nabavkama ("Službeni glasnik BiH", broj 39/14) i člana 14. Pravilnika o nabavci roba, vršenju usluga i ustupanju radova broj 09-05-26263/15 od 27.11.2015.godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/125-05-10708/18 od 16.05.2018.godine, a na preporuku Komisije za javnu nabavku radova, Općinski načelnik d o n o s i:

## **ODLUKU**

### **o dodjeli ugovora i odabiru najpovoljnijeg ponuđača**

**I Prihvata se preporuka Komisije i ugovor u predmetu „Izvođenje dodatnih i nepredviđenih radova na izgradnji sportskog igrališta u naselju Dobroševići po ugovoru br. 02/12-23-25413/17 od 23.02.2018.godine“, dodjeljuje se ponuđaču SELA doo Sarajevo, ul. Rajlovačka cesta br. 31, Sarajevo sa iznosom konačne ponude 16.457,22 KM sa uračunatim PDV-om.**

II Otvaranje i analizu ponuda provela je Komisija za javnu nabavku radova (u daljem tekstu: Komisija), u skladu sa odredbama Zakona o javnim nabavkama. Zapisnik sa otvaranja ponuda, zapisnik o pregovaranju i Zapisnik o radu Komisije sa preporukom za dodjelu ugovora u spisu.

III Zadužuje se Služba za zajedničke poslove, da obavijesti učesnika pregovaračkog postupka o prihvatanju ponude, a u skladu sa datim Zapisnikom o radu Komisije i preporukom za dodjelu ugovora, te nakon isteka žalbenog roka pripremi prijedlog ugovora i u predviđenom zakonskom roku dostavi odabranom Izvođaču na potpis.

IV Obavezuje se ponuđač iz stava I ove Odluke da u roku od 5 dana od prijema obavijesti o rezultatima postupka, dostavi dokumente navedene u članu 45. stav 2. tačka od a) do d), ne starije od tri mjeseca računajući od momenta dostavljanja ponude.

### **Obrazloženje**

Uvidom u dostavljeni izvještaj o radu Komisije i preporuku za dodjelu ugovora konstatovano je sledeće:

Tokom realizacije Ugovora broj 02/12-23-25413/17 od 23.02.2018.godine o Izvođenju radova na izgradnji sportskih igrališta u naselju Dobroševići, ukazala se potreba za izvođenjem dodatnih i nepredviđenih radova.

Opravdanost provođenja pregovaračkog postupka utvrđena je na osnovu mišljenja stručno-tehničkog nadzora br. 94-11/18-N od 12.11.2018.godine i dostavljenog Obrazloženja Službe za investicije i komunalne poslove br. 02/08-23-5268/18 MS od 14.11.2018.godine. Navedenim aktima potvrđena je opravdanost izvođenja dodatnih i nepredviđenih radova.

U vezi sa tim, Služba za investicije i komunalne poslove obratila se sa Zahtjevom za odobravanje nabavke, nakon čega Služba za zajedničke poslove upućuje Zahtjev za pokretanje postupka javne nabavke broj 02/12-sl od 27.11.2018.godine Općinskom načelniku.

Postupajući po gore navedenim zahtjevima, a u skladu sa članom 18. stav 1) Zakona o javnim nabavkama („Službeni glasnik BiH broj 39/14“) Općinski načelnik donio je Odluku o pokretanju postupka javne nabavke za „Izvođenje dodatnih i nepredviđenih radova na izgradnji sportskog igrališta u naselju

Dobroševići po ugovoru br. 02/12-23-25413/17 od 23.02.2018.godine“, putem pregovaračkog postupka bez objavljivanja obavještenja o javnoj nabavci. Poziv za učešće u pregovaračkom postupku broj 02/12-23-25228/18 od 18.12.2018.godine upućen je izvođaču radova Sela doo Sarajevo, ul. Rajlovačka cesta br. 31, Sarajevo, za dostavu ponude za izvođenje dodatnih i nepredviđenih radova u predmetnoj nabavci.

Dana 28.12.2018.godine Komisija je otvorila dostavljenu inicijalnu ponudu koja predstavlja osnov za pregovaranje. Komisija konstatuje da ponuđena cijena za ugovor u inicijalnoj ponudi iznosi 14.066,00 KM bez PDV-a, odnosno 16.457,22 KM sa uračunatim PDV-om.

U toku pregovora Komisija je razmatrala mogućnost smanjenja cijene u inicijalnoj ponudi, te pregovarala sa ponuđačem o istom. U toku pregovaranja, ponuđač je izjavio na zapisnik da ostaje pri predloženoj cijeni u inicijalnoj ponudi. Zapisnike o otvaranju i pregovaranju ponuđač je preuzeo lično.

Komisija je zatražila da se ponuđač posebno izjasni o konačnoj ponudi, te je na osnovu toga ponuđač dostavio Izjašnjenje sa konačnom ponudom u prilogu, kojim je potvrdio da je iznos konačne ponude 16.457,22 KM sa uračunatim PDV-om.

Komisija je izvršila analizu konačne ponude i utvrdila da ista u cijelosti ispunjava sve uslove tražene tenderskom dokumentacijom i da je ista i računski ispravna.

Nakon svih provedenih aktivnosti, Komisija je konačnu ponudu putem Službe za investicije i komunalne poslove, dostavila Stručno-tehničkom nadzoru na uvid. Nadzor je svojim aktom od 21.01.2019. godine utvrdio da je konačna ponuda u skladu sa osnovnim ugovorom i tržišnim cijenama, te je preporučio Investitoru da je prihvati.

U toku pregovaračkog postupka postignut je dogovor oko svih uslova ugovora. Iz navedenih razloga, a primjenom člana 64. stava 1) tačka b) Zakona o javnim nabavkama, odlučeno je kao u dispozitivu Odluke.

#### **Pouka o pravnom lijeku**

Ponuđač koji je sudjelovao u postupku javne nabavke može radi zaštite svojih prava i pravnih interesa, izjaviti žalbu Uredu za razmatranje žalbi putem ugovornog organa u roku od 10 dana od prijema pismene obavijesti (Odluke) o izboru najpovoljnijeg ponuđača. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila  
Enisa Babić, dipl. pravnik

Dostaviti:  
1. Ponuđaču  
2. Služba za zajedničke poslove  
3. A r h i v i / u spis

Općinski načelnik

mr. Semir Efendić